



## KUSHTET E PËRGJITHSHME PËR SIGURIMIN E DETYRUAR TË PËRGJEGJËSISË CIVILE

(Ligji 32/2016, dt.24.03.2016 & VKM 268 dt.02.05.2024 "Për garantimin e sigurisë së punës së pajisjeve dhe instalimeve nën presion")

### 1. "MBULIMI NË SIGURIM

Shoqëria e sigurimit "ALBSIG" SH.A. (që këtu më poshtë do të quhet siguruesi), në përputhje me këto kushte, kufijtë e mbulimit në sigurim të përcaktuar në formular, do të jetë ligjërisht përgjegjëse të dëmshpërblejë të siguruarin për periudhën e përcaktuar në formularin e kësaj police të sigurimit dhe kundrejt pagesës së primit të sigurimit nga i siguruari sipas përcaktimeve në këtë formular: **1.** për shumat për të cilat i siguruari do të jetë ligjërisht përgjegjës të paguajë si kompensim dëmi kundrejt palës së dëmtuar dhe shpenzime të tjera që rezultojnë nga ngjarja e sigurimit për të cilën është e zbatueshme kjo policë e sigurimit, brenda kufijve të përgjegjësisë të përcaktuara në formular. **2.** për shpenzimet e mbrojtjes ligjore të kryera me miratimin paraprak me shkrim të siguruesit, në lidhje me kërkesën për dëmshpërblim ndaj të siguruarit, për të cilën zbatohen kushtet e kësaj police të sigurimit.

### 2. "OBJEKTI I SIGURIMIT"

**1.** I siguruari i përcaktuar në formularin e kësaj police të sigurimit është subjekti që ushtron aktivitetin që lidhet vetëm me perdorimin e pajisjeve e instalimeve nën presion (ketu e më poshtë ene nën presion) duke përjashtuar në çdo rast subjektet me objekt të licensuar veprimtarie depozitimin, tregtimin e gazit, oksigjenit e të tjera lende mbushese të eneve nën presion apo tregtimin, prodhimin, instalimin dhe/ose mirembajtjen e vete pajisjeve dhe instalimeve nën presion. **Persona shtesë të siguar janë:** **a)** përfaqësuesit ligjorë të të

siguarit dhe personat që ai ka punësuar për të administruar dhe mbikëqyrur veprimtarinë e të siguarit, apo pjesë të saj; **b)** të gjithë punonjësit e tjerë të shoqërisë për dëmet ndaj palëve të treta që shkaktohen si rezultat i kryerjes së detyrave të tyre në funksion të të siguarit. **2.** Kjo policë siguri mbulon: **a)** përgjegjësinë ligjore të të siguarit si pronar, rentier, qeraxhi, përdorues i ambienteve që përdoren vetëm për qëllimet e veprimtarisë së të siguarit; **b)** përgjegjësinë ligjore të të siguarit që ushtron aktivitetin që lidhet me perdorimin të eneve nën presion. **c)** përgjegjësinë ligjore të personave përgjegjës sipas kontratës së punës për administrim, pastrim, ndricim, mirëmbajtje, apo funksioneve të tjera, për dëmet që mund të shkaktojnë gjatë kryerjes së këtyre detyrave, paleve të treta.

### 3. "NGJARJA E SIGURIMIT"

Kjo policë e sigurimit do të mbulojë përgjegjësinë ligjore të të siguarit në lidhje me dëmet e mëposhtme që u shkaktohen palëve të treta nga ngjarja e sigurimit e ndodhur gjatë periudhës së sigurimit të përcaktuar në formularin e policës dhe që përfshin: **1.** Dëmtimet trupore: vdekja, plagosja, humbja e aftësisë për punë, të një ose disa personave; **2.** Dëmet pasurore: dëmi fizik ose shkatërrimi i pasurisë së prekshme që nuk është në pronësi ose posedim të të siguarit.

### 4. "KUFIJTË E PËRGJEGJËSISË SË SIGURUESIT"

**1.** Përgjegjësia e siguruesit për kostot e kompensimit dhe shpenzimet e pagueshme





kundrejt një ose disa të dëmtuarve si rrjedhojë e një ngjarjeje sigurimi nuk do të kalojë shumën e përcaktuar në formular si 'kufi i mbulimit në sigurim për çdo ngjarje'.

Të gjitha dëmet që janë pasojë e ekspozimit të vijueshëm, ose të përsëritur të të njëjtave kushte dëmtuese të të njëjtës ngjarje në të cilën ka ndodhur dëmi i parë, do të konsiderohen një ngjarje e vetme. **2.** Përgjegjësia e siguresit për të gjithë kostot e kompensimit dhe shpenzimet e pagueshme në lidhje me të gjitha ngjarjet e sigurimit që ndodhin gjatë një periudhe sigurimi nuk do të kalojë shumën e përcaktuar në formular si kufi agregat. **3.** Kufijtë e mbulimit të përcaktuar në formular nuk mund të jenë më të ulët se ata të përcaktuar në seksionin X të këtyre kushteve.

## 5. KUFIJTË TERRITORIALE / JURIDIKSIONI

Territori i Policës nënkupton territorin e Republikës së Shqipërisë. Kjo policë vepron nën ligjin / juridiksionin Shqiptar.

## 6 "PËRJASHTIME"

**Kjo policë nuk mbulon:** **1.** përgjegjësinë që lidhet me dëmtimet shëndetësore, plagosjet apo sëmundjet e palëve që kanë një kontratë pune, ose praktike mësimore me të siguruarin, e personave të punësuar nga i siguruari, në rastin kur dëmtimi shëndetësor, plagosja apo sëmundja vjen si rrjedhojë e zbatimit të kontratës së punës, kontratës mësimore, apo punësimit të tyre;

**2.** dëmtimet trupore ose dëmet pasurore që shkaktohen nga lëndë ose materiale të prodhuara, ndërtuara, ndryshuara, shërbyera, trajtuara, shitura, furnizuara apo shpërndara nga i siguruari (përgjegjësia e produktit), që nga çasti që këto nuk janë më në posedimin apo nën kontrollin e të siguarit; **3.** përgjegjësinë nga përdorimi i mjetit motorrik që është objekt i sigurimit të detyrueshëm të përgjegjësive motorrike

sipas legjislacionit në fuqi, në rast se ky mjet motorrik është në pronësi të të siguarit, merret me qera, merret borxh, merret me leasing, apo përdoret nga i siguruari, apo nga personi që kërkon dëmshpërblim;

**4.** përgjegjësinë e anijeve apo avionëve, në rast se ato janë në pronësi, merren me qera, merren borxh, merren me leasing, apo përdoren nga i siguruari; **5.** përgjegjësinë për humbjet financiare që nuk janë rrjedhim i dëmtimeve të pronës, apo dëmtimeve shëndetësore të përcaktuara në seksionin II të këtyre kushteve; **6.** çdo përgjegjësi të cfarëdo natyre të shkaktuar në mënyrë të drejtpërdrejtë apo jo të drejtpërdrejtë, apo të ndikuar nga ndotja e ajrit, ujit dhe dheut;

**7.** përgjegjësinë për dëmet dhe dëmtimet e pronës: **a.** që i përkasin të siguarit; **b.** që ndërtohet apo është nën kujdesin, ruajtjen, apo kontrollin e të siguarit apo të personave të punësuar, apo që punojnë për llogari të të siguarit; **8.** kërkesat për dëmshpërblim për vonesat në respektimin e detyrimeve dhe kompensimet që lidhen me zbatimin e kontratave të ndryshme nga kjo policë e sigurimit; **9.** përgjegjësinë që lidhet me ngjarje që rezultojnë nga veprime, ose mosveprime të qëllimshme apo të pandershme të të siguarit; **10.** përgjegjësitë e marra përsipër nga i siguruari nëpërmjet kontratave ose marrëveshjeve të tjera, garancitë e dhëna nga i siguruari që rritin përgjegjësinë ligjore të të siguarit, përveç rasteve kur i siguruari do të ishte përgjegjës edhe në mungesë të këtyre kontratave, marrëveshjeve apo garancive; **11.** çdo përgjegjësi të çfarëdolloj natyre të shkaktuar direkt apo indirekt nga: **a.** rrezatimi jonizues apo ndotja radioaktive nga lëndë bërthamore ose mbetje bërthamore; **b.** vetitë radioaktive, helmuese, shpërthyes ose veti të tjera të dëmshme të materialeve, ose përbërësve bërthamorë; **12.** përgjegjësitë që rezultojnë nga asbesti ose sëmundje të





lidhura me të (përfshirë kancerin), që janë pasojë e ekzistencës, prodhimit, trajtimit, përpunimit, shitjes, shpërndarjes, magazinimit ose përdorimit të asbestit, prodhimeve të azbestit dhe/ose prodhimeve që përmbajnë asbest; **13.** përgjegjësinë për pasojat e luftës, aktit të pushtimit nga armiq të huaj (pavarësisht nëse lufta deklarohet, ose jo), luftës civile, rebelimit, revolucionit, grushtit të shtetit, forcës ushtarake, terrorizmit, vandalizmit, akteve keqdashëse, apo sabotazhit; **14.** dëmet nga gjobat, penaltitetet, masat korrektuese që nuk lidhen me këtë policë sigurimi; **15.** dëmet që janë rrjedhojë e moszbatimit të rregullave për ruajtjen e materialeve të djegshëm apo eksplozivë; **16.** dëmet që rrjedhin nga aktivitete që nuk parashikohen në mënyrë të veçantë në mbulimet e kësaj police, veçanërisht përgjegjësia që vjen nga:

**a.** aktivitete, apo marrëdhënie ligjore që nuk kane të bëjnë me veprimtarinë e të siguruarit dhe as me rrezikun e siguar.

**b.** prodhimi, përpunimi, transportimi ruajtja e eksplozivëve për çdo qëllim. **c.** pronësia apo përdorimi i hekurudhave për të transportuar mallra / lëndë në ambientin e punës.

## 7 "PARASHIKIME TË TJERA"

**1.** Nuk mbulohet përgjegjësia ligjore e operatorëve, përveç atyre të përcaktuar në seksionin II të këtyre kushteve. **2.** Detyrimi i siguruesit për dëmshpërblim kufizohet në përqindjen e pjesës së të siguruarit në grupin e ndërrmarjes së përbashkët, pavarësisht se të cilës shoqëri partnere janë personat, apo pronat përgjegjëse për shkaktimin e dëmit.

**3.** Dëmet që u shkaktohen sendeve të sjella nga partnerët në ndërrmarjen e përbashkët me të siguarin përjashtohen nga ky mbulim në sigurim, pavarësisht nga fakti se kush është përgjegjës për dëmin. **4.** Dëmet që i shkaktohen një partneri të ndërrmarjes së përbashkët nga partnerë të tjerë të

ndërrmarjes, apo anasjelltas, përjashtohen nga ky mbulim në sigurim.

## 8 "DETYRIME TË PALËVE NË POLICË"

**1.** I siguruari duhet të ndërmarrë të gjithë hapat e nevojshëm për parandalimin dhe minimizimin e dëmeve shëndetësore, apo demtimeve të tjera që mund të çojnë në kërkesa për dëmshpërblim sipas kushteve të kësaj police të sigurimit. **2.** Çdo ngjarje që mund të çojë në kërkesë për dëmshpërblim sipas kësaj police të sigurimit, duhet të raportohet me shkrim nga i siguruari tek siguruesi menjëherë pas ndodhjes së ngjarjes së sigurimit. Brenda mundësive, nuk duhet të kryhet asnjë lëvizje apo riparim deri sa siguruesi të mund të kryjë investigimin. I siguruari duhet të njoftojë siguruesin menjëherë për çdo proces të mundshëm penal apo civil që lidhet me ngjarjen dhe duhet t'i dërgojë atij menjëherë të gjithë dokumentat përkatëse. **3.** Asnjë pranim i përgjegjësise, premtim për ofertë, apo pagesë nuk duhet bërë pa miratimin me shkrim nga siguruesi. Siguruesi do të ketë të drejtën të marrë përsipër dhe të kryjë në emër të të siguruarit mbrojtjen, ose pagesën e çdo dëmi që rezulton nga ngjarja e siguar dhe të ndjekë në rrugë ligjore kërkesën për subrogim nga persona të tjerë. I siguruari duhet të japë të gjithë informacionin dhe asistencën që i kërkohet nga siguruesi. **4.** Siguruesi mund të paguajë shumën maksimale të pagueshme për ngjarje e sigurimit që mbulohet nga policat e sigurimit, ose një shumë më të vogël me të cilën mund të mbulohen dëmi, apo dëmet që rezultojnë nga ngjarja e siguar. Siguruesi nuk ka përgjegjësi të mëtejshme për ngjarjen e siguar, përveç pagesës së kostove dhe shpenzimeve gjyqësore të ndodhura përpara pagesës që mbulon dëmet që rezultojnë nga ngjarja e sigurimit.

**5.** Në rast se në kohën e ndodhjes së





ngjarjes, apo dëmit ka edhe ndonjë policë tjetër të sigurimit të përgjegjës në favor, apo për llogari të të siguruarit dhe që zbatohet për këtë ngjarje, siguruesi nuk do të jetë përgjegjës për dëmshpërblimin e të siguruarit, përveç ndonjë teprice mbi shumën që do të paguhej nga polica tjetër e sigurimit.

## 9 "PARASHIKIME TË PËRGJITHSHME"

**1.** Këto kushte, çdo shtojcë bashkëngjitur, formulari dhe pyetëtori do të lexohen së bashku si një policë dhe çdo fjalë apo shprehje së cilës i është dhënë një kuptim i vecantë në ndonjë pjesë të kushteve të përgjithshme, të formularit të polices, apo shtojcave, do të mbajë të njëjtin kuptim kudo që mund të paraqitet. **2.** Në rast se primi për këtë policë është llogaritur bazuar mbi informacionin e dhënë nga i siguruari, ky duhet të mbajë shënime të sakta që përmbajnë të gjitha detajet dhe brenda një kohe të arsyeshme të lejojë siguruesin për të kryer inspektimin e të dhënave. Pas përfundimit të çdo periudhe të policës, i siguruari duhet t'i japë siguruesit informacionin e saktë të përditësuar, në mënyrë që primi për periudhën në vijim të llogaritet saktë. **3.** Siguruesi mund të kryejë inspektime në ambientet e të siguruarit. Në rast të konstatimit të një defekti, apo rreziku të dukshëm, për të cilin i siguruari nuk merr masa të menjëhershme për ta eliminuar, siguruesi mund t'i dërgojë të siguruarit një njoftim me shkrim nëpërmjet të cilit siguruesi heq përgjegjësinë e tij për dëmet që mund të rezultojnë më vonë nga ky defekt apo rrezik. **4.** Në rast se i siguruari konstaton dicka që mund të ndikojë materialisht tek risku i siguruar, ai brenda shtatë ditësh njofton për këtë fakt siguruesin. **5.** Shqyrtimi dhe plotësimi i duhur i termave, parashikimeve dhe kushteve, për sa kohë këto lidhen me dicka për t'u kryer apo përmbushur nga i

siguruari dhe vërtetësia e të dhënave të tij në pyetësor (që përbën bazën e kësaj police dhe mbahet bashkë me të si pjesë e saj) do të jenë kusht paraprak i cdo përgjegjësie të siguruesit.

## 10. "PARASHIKIME TË VEÇANTA"

**1.** Kufijtë minimalë të mbulimit në sigurim sipas seksionit IV të këtyre kushteve përcaktohen referuar vlerësimit të rriskut të çdo objekti për tu siguruar referuar VKM 268, dt.02.05.2024: **(i) Risk i Ulët**, kufiri i mbulimit për çdo ngjarje: LEKË 10,000,000; - në Agregate LEKË 20,000,000. **(ii) Risk i Mesëm**, kufiri i mbulimit për çdo ngjarje: LEKË 20,000,000; - në Agregate LEKË 40,000,000 **(iii) Risk i Lartë**, kufiri i mbulimit për çdo ngjarje: LEKË 35,000,000; - ne Agregate LEKË 70,000,000. **(iv) Risk shumë i Lartë**, kufiri i mbulimit për çdo ngjarje: LEKË 50,000,000; - ne Agregate LEKË 100,000,000. **2.** Primi vjetor i sigurimit përcaktohet në formularin e policës së sigurimit referuar vlerësimit të Riskut Objekt Sigurimi. Vlerësimi i primit të sigurimit duhet të bazohet në pyetëtorin e plotësuar nga i siguruari para nënshkrimit të policës. Tarifat e sigurimit variojnë nga 0,15 deri 0.25 % mbi limitin e mbulimit për ngjarje referuar kategorisë së rriskut.

## 11 "PERIUDHA E POLICËS SË SIGURIMIT"

Data e fillimit dhe mbarimit të policës së sigurimit përcaktohet në formularin e policës.

